

## Transkription von Urkunde HBS 1333a

Ort, Datierung: Halberstadt, 1333-06-19

Signatur: Stadtarchiv Aschersleben, U44

Inhalt: Bischof Albrecht II. von Halberstadt: Pfandbrief

---

We Albercht van der gnade goddes Byschop tu halberstad . be kennen jn disseme / openen breue . dat we hebben gesat den vor sychtegen mannen , hanse van schulde / vnde hanse van hezstede vsen borgeren tũ asch(er)sle(uen) tvo marc Brandeborgesch / geldes . eder were geldes also me wesselt echte koft vor tvo stendelsche marc / vses stede geldes . dat we hebben van den wantsnyde(re)n vp vsemi jarmarkete / tu sente mychahelles dage in vser stad tu asch(er)sle(uen) vor twelf stendelsche marc / op tũnemene alle jarleke se vnde ere waren eruē , also langhe wente we en / be reden twelf marc disses vorsprokenen geldes . also vse voged heyse van / Barkenuelde be scheden heft med dissen vorsprokenen mannen tu ener / be tugynghe vnde volginghe disser dinghe , hebbe we dissen bref ge gheuen / vnde ghe vestet laten med vsemi jnghesegele , Na goddes bort dretteynhundert / jar indeme drũ vnde dryttegsten jare jndeme sonauende . vor sente joh(ann)es dage / Baptysten des achtbaren hylghen